

0 1 2 3 4 5 6 7 8 9 10 1 2 3 4 5

4
2341

地理全志

上海三石印

始



地理全志

上篇
阿非利加志

三

館書圖京東				
冊	號	架	函	類門


書可給之證

4
2341




阿非利加志





阿非利加洲之部二



阿非利加洲之部一

地理全志卷之三

阿非利加全志

阿非利加天下之第三州。天時地理人物為最劣。其地炎
熇難。以遍歷瀕海一帶。尚能確悉。至其境內。不能周知。茲
特就聞見所及。畧述梗概於左。

文論

州內緯線自赤道北三十七度起。至赤道南三十五度
止。經線自中華北京偏西六十五度起。至百三十四度
止。

州內東距蘓士微地。紅海。印度洋。西接大西洋。南有印

界

位



廣

度大西二洋之交流北枕地中海。州內長一萬七千里廣一萬五千里總計之方四千萬里。

山

質論

州內山嶺人之經歷者頗少其至大者曰亞大蠟山在巴巴黎亞白沙里山在亞北西尼月山在蘇丹東南剛山在蘇丹幾內亞之間加米隆山在幾內亞東南盧巴達山在州東南雪山在州極南又有火山州二島九大者名德內黎非在加內黎島之中。

原

州內自南至東北海濱皆屬高原地勢延袤荒郊綿邈。

角

北曰撒哈拉為地球沙漠之最其餘埃及努比阿阿尔及的波黎及州南次之。

州內海角曰崩在突尼斯之北斯巴的在摩洛哥之北巴郎哥在撒哈拉之西威的在塞內岡比之西巴馬斯在幾內之西南尼鄂在公額之西好望亞古列皆在岌哥洛尼西南德加多在桑給巴之東瓜達夫在亞德東北。

島

州外海島曰馬德辣加內黎岌威德桑多美非難得阿森森三厄里那皆在大西洋馬達加斯加毛裡西塞舌勒亞密蘭羅得給不尔奔哥麼洛索可達皆在印度洋。

海

州外之海北方曰地中海界於歐羅巴東北曰紅海界於亞西亞

灣

州濱灣之最者西達拉加卑斯連地中海幾內亞內有比寧比發拉皆連大西洋德拉哥通印度洋泰比爾塞蒙亞河亞皆在南方

岔

州外海岔東南有莫三鼻岔

峽

州內海峽曰巴白曼德在紅海口日巴拉大通連大西洋地中海

河

州內河之大者東北曰尼羅流於地中海西曰尼日塞內加岡比賽勒河蘭日流於大西洋東南曰三比西魯

湖

非日流於印度洋

州內之湖曰當比在亞比西尼雜德在蘇丹尼亞西在州之東南牙密在州南

地氣

州內地當赤道南北炎熇特甚瀕海之區猶為涼爽域中更覺酷烈溽暑如蒸瘴癘流行水土甚惡陰雨時炎威稍減至於晴霽酷暑如故

地寶

州內地寶人多不悉所產者不過金沙銀銅錢水銀礪砂鹽等

草木

州內草木難以備載有文采之木理極堅緻能入水土千年不朽迤北近海最為豐饒穀一歲再熟大約海濱

物生

穀果花卉無不具備草木藥林殊為繁殖其域中人罕至未盡詳明。

州內禽獸魚蟲之屬不可勝數獅性最躁猛悍異常象性頗馴徐行莖澤間山狸似麝大布如狼猩猩色黑其體雄健鳥王之毛羽黃猛與帟鬪豹犀駝羆野馬文采鹿屬紛繁鱷魚一族涵淹卵育者殊難計數鱗介毒物指不勝接。

政論

戶口

州內戶口約計六千萬。

州內教門不一或拜偶像或拜禽獸昆蟲回教居多間

藝技

有奉耶穌猶太教。

州內人多生番技藝平庸殊乏巧思沿地中海一帶及歐羅巴蕃屬尚屬精良。

史

州內北境古多名邦今皆回部東境沿印度洋之北回族與黑人錯處東南皆黑人有葡萄牙埔頭南境銳入南洋地處之岌朴為歐羅巴東來必由之道有英吉利埔頭西境沿大西洋之北海灣橫亘有英佛米葡荷噠諸國埔頭中央之北皆沙漠間有回族南見壤土統計全土北多回部從亞西亞轉徙而來東西南皆土番其人容極黝黑而性甚蒙昧諸國多鬻為奴其地氣重濁

人類顛愚。剖判歷千萬年。敦龐如上古。風氣不能自開。歐羅巴人。帆檣週遍。僅割海濱一隅。不能深入重地。一洗山川之昏濁。蓋以炎煬瘴癘。異土之人難堪。其北上可以泊船者。東方族姓已擇土而居。其東西南三面。塊然可居者。已有歐羅巴諸國建埔。其餘土平坦。與海相齊。無凹凸彎環之勢。港汊不深。不能寄楫。亦難隨處登攀。不能開拓者。率由于此。若由北方。則平沙數千里。較涉海尤艱。西南瘴癘。由于昏蒙之未闢。未必地氣之獨劣也。若能烈山澤而驅毒物。誅草萊而播嘉種。穢墟且變為腴壤。而惜乎番族無知能也。

政朝

國

州內朝綱。或皇帝臨御。或王公侯伯。或酋長統攝。或自立政。或為藩屬。

州內之國。分為六土。北曰摩洛哥。阿尔及突尼斯的波里。總名巴巴黎。東北曰埃及。努比阿。阿比西尼。哥多番。達夫。中曰撒哈拉。蘓丹。西曰塞內岡比。幾內亞。公額。東曰亞德。亞然。桑給巴。莫三鼻。索發拉。南曰加弗勒里。那達爾。岁哥洛尼。又有群島。皆條分縷析焉。

摩洛哥國志

摩洛哥在阿非利加西北。緯線自赤道北二十八度起。至

三十六度止。經線自中華北京偏西百十四度起。至百二十七度止。東連阿爾及。西距大西洋。南接沙漠。北界地中海。長一千八百里。廣二千八百里。總計之方五十万里。戶口八百五十万。其地山巒橫列。沙漠環匝。土肥宜穡。農夫怠惰。氣候和平。人少疾病。盛夏酷暑。有海風可解。沙漠薰蒸。有峻嶺可蔽。湖河不多。棕櫚茂盛。禽獸充斥。

居民性情驕傲。耽於逸樂。工肆林立。貿易殊盛。多于州內。通商不廣。皆為猶太人俗。以布纏身。上束帶。中以裹首。戴紅帽。著各色履。腰懸刀箭。跨烏鎗。好馳馬。角勝習射。頗精。防閑婦女。甚嚴。出門必用帕蔽全身。惟露兩眸。

禁食猪肉。飲酒。喜吸烟。好劫掠。崇回教。

至于朝綱。歷代相傳。自皇立政。舊本亞喇伯屬國。土耳其興。海南諸部。席卷無遺。獨此國以寫遠。獲免。而亞喇伯衰弱已甚。無復羈縻。明時遂自立為西回國。

地分六部。曰摩洛哥。都城亦以此名。曰非斯。殿寺書院。皆美麗。今悉衰微。曰蘓斯。曰達拉哈。曰達非勒。曰西日美。塞。兩海濱。有摩牙。多為埠。北境瑞大。為西藩屬。土產錫。白蠟。藥材。綿花。木料。黃皮等。

阿爾及國志

阿爾及在阿非利加之北。緯線自赤道北三十度起。至三

十七度止。經線自中華北京偏西百有八度起。至百十八度止。東至突尼斯。西連摩洛哥。南接沙漠。北界地中海。長二千五百里。廣二千里。總計之方二十四萬餘里。戶口二百萬。其地迤南。橫峰疊翠。山谷膏腴。其西有川無數。澄清澈底。灌溉田畝。氣候溫和。夏則炎熱。海風颯至。甚為涼爽。土壤宜種。稍有沙磧。下有惰農。上有苛政。所以開墾之地甚少。密林叢菁。芳草甚多。可供游牧。

居民風俗不同。性情各異。昔在陸地。飛騎馳騁。劫奪行旅。在水中。快艇出沒。橫截商舶。技藝平常。貿易寥落。所奉乃回教。

至於朝綱。初為土耳其屬國。今則為佛郎西藩部。昔從亞喇伯據西班牙。明時西班牙起兵恢復。回族多遁歸本國。後西班牙復逐降。回出境。大半亦轉徙入之。回民失業流離。習為盜俗。為地中海之大患。佛英嘗會舟師。勦之。震盪歛跡。已而復肆。道光初。佛以兵破其都城。鎮以大酋。治以佛法。盜踪稍斂。近年回首。復以大衆攻佛。欲圖興復。為佛所破。然其心腹要地。皆回族種類。常懷仇恨。近為佛之屬土。必用衆兵。強服四部。犯者皆流于此。

國分三土。中曰的得利。內有阿爾及。乃京都也。建於山坡。

之上。宮殿巍峩，衙署峻麗。東曰岡士丹丁，西曰得里米森。土產五穀，五金，果實，硝礬，珊瑚等。

突尼斯國志

突尼斯在阿非利加北緯線自赤道北三十二度起至三十七度止，經線自中華北京偏西百有五度起至百有九度止。東界的波里西連阿爾及南接沙漠，北至地中海，長一千里，廣四百里。總計之方十万里，人口一百万。其地山陵寥落，海濱平坦，中則峰巒峻絕，荒野綿邈。河曰美日達，田土膏腴，頗宜耕種，氣候清暖，人物咸宜。

民俗勤儉，安居樂業，彬彬然風俗近古，嫻於禮義，勝于隣邦。製物平庸，貿易繁盛，商賈輻輳。歐羅巴國州內行車至此，有象牙、金沙等，多與通商，所奉乃回教，亦有崇奉猶太者。

至于朝綱，始則同于的波里，萬曆時為土耳其所屬，王位不能世及，由衆推舉，仍請命于土耳其。今則子孫歷代相傳，百有餘年，政由自出。按其北方，昔有大國，曰加達額，文教與亞西亞相埒，武功與意大利爭雄，富強無敵，名著海邦。漢時為羅馬所征服，越數百載，唐時亞喇伯既得埃及，漸拓而西州之北土，蠶食無遺。至亞喇伯衰，宋時自立為王，後土君取之。

地分內外。北曰突尼斯。都城同名。建于海濱高阜之處。街衢狹隘。屋宇低陋。惟官闕廟堂。尚屬峻麗。東曰大谷耳。曰開灣。內城為回人禪拜之所。建禮拜寺。高大闊壯。有石柱五百。民多織布為業。曰比日利。棕櫚為名。其外有其巴島。土產椒攬。白棗。蠟。礪砂。銀。銅。鉛等。

的波里國志

的波里。在阿非利加之北。緯線自赤道北二十四度起。至三十四度止。經線自中華北京偏西九十一度起。至百有五度止。東至埃及南界沙漠。西連突尼斯。北接地中海。長二千餘里。廣二千七百里。總計之方二十五万里。戶口一

百五十萬。山陵寥寥。平原廣坦。灣岸鹹淤。砂磧居多。河曰的內。濱地膏腴。所產不贍于食。仰資隣國。時生茅草。回族游牧于中。氣候炎熇。晝熱夜涼。地利不順。荒歉時逢。

居民技藝庸拙。商賈甚多。運貨物。必結隊而行。土人多乘駝馬。四出劫掠。隣境畏之。兵卒橫行。官則受其挾制。民則罹其荼毒。所奉回教。

至于朝綱。王位世繼。請命于土耳其。按其傳史。大同突尼斯。

土分四部。西曰的波里。都城建于海濱。屋宇比麗。逵衢宏敞。諸貨駢集。五方輻輳。其通商之地。名美蘇拉達。勒比達。

東曰巴爾加古甚繁盛今則蕭條矣南曰非三自立酋長
治理政事納貢的波里都城木爾素西南曰加達美居民
二部不相和睦畛域井然不通往來產橄欖蠟棉硫磺滑
石丹參

埃及國志

埃及又名麥西在阿非利加東北緯線自赤道北二十四
度起至三十二度止經線自中華北京偏西八十度起至
九十度止東臨紅海其土稍與亞喇伯相連西接的波里
撒哈拉南界奴比阿北至地中海長廣各一千七百里總
計之方二十五万里戶口二百五十万更有一種頑民居

處荒郊以游牧為生劫掠貨物凶橫強暴難以縷述氣候
炎熱雨澤甚少露霧迷離沙漠之氣薰蒸春夏南風常至
疫癘流行東風更為酷烈其地分上中下三土上中兩土
臨紅海山嶺對峙綿亘夾巷其形如谷下土臨地中海廣
坦膏腴河之支派交相滌絡為埃及之嘉壤河曰尼羅從
州內月山發源沿流入地中海兩岸厥土塗泥皆為良田
每歲一次潮水盛至漲溢深三十尺廣二十里培養田土
與人之灌溉培植無異河水不至之處盡係荒砂是以近
河阡陌雲連相離不遠便為無人之地年歲之肥磽視潮
之盈消為度平則豐稔缺甚則荒歉

居民種類不一。貿易繁盛。商賈輻輳。賦稅煩苛。民不聊生。所奉回教。間亦有奉天主教者。咸不務正。

至於朝綱。歷代相傳。政由王定。初其國為古極盛之邦。播揚遠邇。洪水後。始祖曰挪亞。生三子。長曰閃。次曰罕。次曰雅弗。罕有子曰迷尼斯。夏初建國于阿非利加之北境。曰麥西。始教民以稼穡。設職官。造文字。講武備。修法度。諸小國翕然翼戴。尊為大主。歷代賢哲。益修典制。分七品類。立官舍。建倉廩。宴然康阜者數百年。舊約全書云。夏時猶太之祖。攜厥後嗣。入埃及。延及數世。生齒繁滋。王懼其生釁。強令為奴。越四百年。摩西興。受天命。

行神跡。商之中季。率猶太族類。俱歸其國。是時歐羅巴。獠狃未變。亞西亞人。抵希臘。教以人事。昏蒙猶未盡洗。值埃及人亦至希臘。之雅典建國。始得廓然。一變其舊俗。由是希臘日漸昌熾。而埃及聲靈稍替。溯夫西索的利嗣位。刺勵自修。武功文治。震爍一時。子孫繼緒。為西土大國。越七百餘載。日就衰弱。周時為波斯所滅。希臘王亞勒山德。克而取之。建大城同名。漢時降于羅馬者數百年。唐初摩哈麥興。回教於亞喇伯。埃及與之接壤。遂為所奪。都城大庫。藏書七十萬冊。為西土藝林。回部取其書。為薪以炊爨。由是為回回部落。明時土耳其取。

鎮以大酋嘉慶時佛朗西王拿破崙攻克之越三載復歸土耳其統轄設立總督近時總督叛土政由自出漸開疆土

通國今為二十五部曰改羅蓋都城也

外有古王陵寢數處基濶頂銳以香油付其屍至數千年不朽有一塚基濶五里高五十丈頂似峯尖中有深洞藏棺一旁立一碑上鐫人物花卉皆隱字跡佛英二國士細為推闡始知其意

給里烏波北卑斯斯卑米加馬芒蘇辣達迷大給比當達美黎美奴內基勒福阿達馬奴亞勒散德黎日塞亞得非

白尼隋弗發庸迷尼蒙發祿西烏德基爾日給內挨斯內其東北有一地曰蘓士東南界紅海西北接地中海英吉利近來製火輪船遞送文書由印度西行有小埔曰亞丁為英藩屬由此入紅海行四千里港盡至蘓士旱則行百七十里即地中海之東南隅有船接遞舟行七千里出日巴拉大海峽即大西洋較之紆迴南向繞阿非利加之西境至極南之好望角而轉舵東北者其程近三万里自中華至英國都五十日可達

其通商之地曰亞勒散得黎亞不幾改羅密西烏產穀菓麻靛蓬蠶棉花藥材

努北阿國志

努北阿在阿非利加東北緯線自赤道北九度起至二十四度止經線自中華北京偏西七十八度起至八十八度止東枕紅海西連沙漠南接阿北西尼哥多番北界埃及長三千里廣二千里總計之方三十萬里戶口二百万其地東南峻嶺重叠川谷相間草木暢茂西北沙磧廣莫浩渺無垠禽獸蕃衍尼羅河上游之水灣曲匯注是以濱地多肥沃餘皆不毛之土氣候酷熱逆南風雨及時人物咸宜。

居民二種一為土人身体端正一則亞喇伯數部最多。

農勤耕種野有曠民劫掠行旅取鬻人口雖有官長不能嚴束居民咸罹荼毒技藝平常多與埃及通貿易所奉回教。

至于朝綱古為埃及南境自回部割據後散為數小部。道光二年歸埃及兼攝。

通國分上下數部各有官長曰哈沙所各馬哈西當哥喇白爾白塞那其通商之地曰加冬為埃及政事之都塞那森的新當哥辣新阿經得耳土產蔴烟甘蔗棉花檀香烏木象獅鹿豹駱駝海馬鱷魚。

阿比西尼國志

阿比西尼在阿非利加東北緯線自赤道北七度起十六度止經線自中華北京偏西七十三度起八十一度止東枕紅海南界牙臘番部西北努比阿長二千三百里寬二千里總計之方一百万里戶口四百五十万其地平原高廣懸崖峭壁岡陵錯雜積雪消融迅速直布其北低淤迤東之地斜突海濱氣候和平風雨依時夏則炎熇雷雨交加自夏至冬陰霖居半行旅惟艱土田膏腴草木暢茂河之大者曰藍的加西下游匯于居羅河湖之大者曰當比阿薩

居民種類甚雜性情頑蠢怠于開墾好爭鬥嗜劫掠食

牛不宰鬻割而生啖之別有野番穴地而居捕蟲豸為食技藝庸拙市廛寥落鬻男女之市為最所奉回教間亦奉猶太耶穌分派之教

至于朝綱各酋統攝古時為土番部落不通上國故沿革無考相傳其國之王皆羅馬後裔嗣有埃及王好游覽欲徧沿海港以至市埠見象牙充積收搆回國擇其名勝留題墨跡自後商船咸來貿易雲集響應奉猶太教晉明帝弗魯曼底士仕于國尊寵用事遍勸國中改奉耶穌教垂回興隣民不依避此又為西洋印度之要津万曆時葡萄牙戈未舍至屢加勸導力令改教有博

學教師巴依士至大行其道煽惑國王往游羅馬並勸以天主教頒行部落建都于萬邦歷代一姓遞嬗政事由君自主近因隣部憑陵各界以兵權俾自專征討由是大權旁落臣下斬殺迭興衅起蕭牆內讐不一非骨肉爭立即權貴殺奪華國人惟服國王不知他性故雖強臣專命不敢篡奪王位近則疆域半為牙臘南部侵據

通國今三部各有酋長北曰的給勒中曰亞迷哈拉首邑公達南曰要海濱另有小部皆操舟為業其外曰馬索島為埔頭乃埃及總督統攝土產麻蜜棉花藥材象牙金沙

白蠟麝香禽獸蕃衍

哥多番國志

哥多番在阿非利加東北緯線自赤道北十一度起至十六度止經線自中華北京偏西八十三度起至八十九度止東北界努比阿西連達夫南接月山長千五百里濶千里總計之方二十万里其地之南峯巒万仞巖壁立泉下如懸瀑布北方多屬曠野夏時陰雨淋漓草木暢茂游牧甚多至於晴霽一片沙漠氣候炎熇時有疫病有大河曰白河潑洄於國東是以田土肥沃種宜黍稷人民色黑分三部或耕種或游牧或貿易商旅行必結隊軍穿鎖甲

風俗技藝大如隣國所奉回教。

至于朝綱國無王位。惟立首領。鈴束居民。道光初為埃及役屬。

首邑名荷卑德。戶口一万二千。昔日之都城也。又有城曰巴拉。為商賈所通之地。其餘幽僻。屋宇傾頽。氓庶逃散。產金沙。鍤蜜。糖。象牙。膠汁。禽獸充斥。

達夫國志

達夫在阿非利加之東。緯線自赤道北十一度起。至十六度止。經線自中華北京偏西八十七度起。至九十一度止。東至哥多番。西南接當牙。北界撒哈拉。長一千里。廣七百

里。總計之方九万里。戶口二十万。地多沙磧。每遇風起。飛揚蔽空。南境山嶺幽邃。溪澗滌洄。溝渠足資灌溉。草木叢密。禾黍油油。夏多雨澤。餘則晴霽之時為多。土瘠木枯。氣候炎熇。人物每不能堪。雨及時而風無定。瘴癘侵人。

民勤耕種。技藝拙樸。貿易頗盛。為埃及亞喇伯往來之要道。盜風尤劇。商旅行必結隊。聚至千餘。以防劫掠之患。駝能負運貨物。亦必聚數千騎。行宿如列陣然。崇奉回教。

至于朝綱。國位歷代相傳。政由君出。歲率群臣躬親稼穡。勸勉農事。

都城曰疴卑國王居爾發捨南有發尔的等部多為生番土產黃麻胡椒烟象牙銅香品玉硝礪砂

撒哈拉志

撒哈拉在阿非利加北緯線自赤道北十五度起至二十九度止經線自中華北京偏西八十七度起至百三十二度止東界埃及努北西接大西洋南至蘓丹塞內岡北北連巴巴黎長三千里廣八千七百里總計之方八百三十万里戶口衰息居處靡定難以枚舉地勢坦廣沙漠一望無垠氣候酷熱風起天地為之驟暗黃霾黑瘴霎時蔽空或沙積為丘阜天氣炎熱雖經數百里不能得勻水林木

絕少無一枝之蔭可庇行路維艱風沙撲面使人哽噎若行沙中必以駝載渴不得飲則殺駝吸其血或剖胃取其存水偶有片土如孤島峙于海中有水泉草木行旅賴之其地界劃為三東曰利比亞沙漠居民謂之的普野有灌溉稱為佳壤西曰都亞利數部之地水土殊惡為荒蕪險阻之區極西居亞喇伯摩洛哥之民通商之地即音薩拉和丹刀的尼丸臘亞羅安土產無幾常見隕石

蘓丹國志

蘓丹在阿非利加中央之地緯線自赤道北八度起至十六度止經線自中華北京偏西九十度起至一百二十六

度止東至達夫西連塞內岡比南鄙幾內半多未悉之區北界撒哈拉長千五百里廣四千三百里總計方二百五十万里戶口寥落惟在水濱紛繁其地之南岡巒羅列峯嶺參差迤北沙漠平垠餘則平原坦廣河湖與沙漠間隔河之大者上曰若利巴中為哥拉下為尼日支派分流湖之大者曰差德的別非德濱田膏腴穀宜稻黍草木暢茂菓實菜蔬無不咸備氣候炎熱瘴癘之氣甚惡入其境者輒病死故他國不與之通

居民部落甚多時相爭鬥擄人則鬻之為奴往來以船販鬻輒數百計鬻於南亞墨利加者尤多用之耕種終身力作道光十八年英吉利使人往探欲加勸諭途中觸瘴癘而死或為土人妄殺久不得音耗又以火輪船從尼日河下游駛而入亦多染病旋亡及探至部落見其無可棲止遂反權民多務農技藝稍精貿易頗盛行必結隊崇奉回教

至于朝綱列君分攝各霸一方不相統屬

通國分多少部其大者中曰火薩薩加都加挪失格失西曰邦巴拉首邑曰西河北尔古丁巴都首邑同名為商賈薈萃之地波薩瓦瓦也利巴呢非東曰波爾奴滿大拉落顏巴牙米古加達色勒土產烟象牙金沙鹽琥珀皮猛獸

毒蟲

塞內岡比國志

塞內岡比在阿非利加之西。緯線自赤道北十度起至十七度止。經線自中華北京偏西百二十三度起至百三十四度止。東至蕪丹。西距大西洋南界幾內。北至撒哈拉。長廣各約一千八百里。總計之方六十八万里。戶口無考。其地逶迤至東南。山嶺重叠。餘則平原寬廣。墳壤砂磧相間。瀦澤迴環。水濱草茂。叢林陰翳。河之大者曰塞內加。岡比來疴蘭。氣候酷熱。毒霧炎蒸。鬱為瘴氣。曉夜昏蒙。風由撒哈拉暴烈。殊甚。拔木揚沙。常有蝗蟲害稼。時有陰雨。酷暑

稍減

土人面黑如墨。混沌無知。衣好華彩。裸体不蔽。男女隨意雜配。種族無別。耕作者少。掘食草糧如芋薯。居草藿。或結巢于大樹。若值饑乏。自相攻擄。獲人鬻之為奴。外國之船往來販鬻。每船輒三四百人。如貨豕畜。運至南亞墨利加之巴西為奴。即強之灌園耕田。如牛馬。終身力作。至死不釋。技藝平庸。商賈頗盛。所拜禽獸昆蟲。間亦有奉回教者。

至于朝綱。列君分據。各占一方。

通國分二十小部。其大者曰滿丁疴。互拉也。魯非等。外有

盧義斯島哥里島烏阿羅島賊寇猖獗庶民離散以上三處為佛蘭西割闢之地建炮臺設埔頭以布足易金沙樹膠均在塞內加河口佛設總督駐劄其岡比河口有英吉利埔頭曰巴黑爾斯貿易殊盛五方輻輳以布易貨物立會館商旅欲兌銀者則至其地得貨則送之以歸以兵船緝捕掠賣黑奴者來疴蘭河口有葡萄牙埔頭曰比薩等處土產金銅鹽琥珀紋石皮革象牙蜜糖等鱷魚禽獸衆多。

幾內亞國志

幾內亞在阿非利加西緯線自赤道北四度起至十度止經線自中華北京偏西百十六度起至百二十八度止西南大西洋北連蘓丹塞內岡比長五千里廣一千五百里總計之方一百万里生齒不繁戶口亦寥寥無幾其地瀕海卑下淤濕多瘴癘之氣人觸之必斃北境大山綿亘河旁沙灘甚多波流洶湧土田肥沃穀果豐登草木條達氣候驕易亭午石鑠金流他國人往往暍死幸時有陰雨否則幾無噍類

居民黑番蚩蚩以擄鬻人口為業耕作皆女為之技藝欽乏商賈輻輳所奉樹木或拜山河或拜禽獸各從其好弁鄙無知亦鴻蒙初闢之區也

至于朝綱列君分據各占一方今年大英与部首議和不再驚人口教師亦至使民漸易舊俗而進礼義耶穌正教又興于數處

通國分數部其大者曰亞山的首邑曰古馬西達荷美比寧厄波厄波尼加拉巴阿的拉拉荷斯其西南境分為五土曰塞拉畧安濱峯巒層疊樹林穠密猛獸成群瘴癘侵人為英吉利兼轄之地設總督駐劄開學館以耶穌教化黑番迤南曰禾濱內有來比里為米利堅兼轄之地贖奴居之教以耕作而立政事曰象牙濱曰金濱內有厄迷那為荷蘭之屬有給斯的堡非利丁堡各為連國兼攝又有數埠屬英商公會曰奴濱為嚮人人口蒼華之地土產金珊瑚琥珀象牙紋石甘蔗烟香水蠟等

公額國志

公額在阿非利加西南緯線自赤道南四十分起至十六度止經線自中華北京偏西九十六度起至百七度止西距大西洋南至星卑巴西北連幾內亞戶口不可稽核其地東境山嶺參差為衆水之發源處餘則平原坦廣河之大者曰公額貫徹土壤賴以灌溉氣候正當赤道之南災熯難堪

民俗黑番無異於幾內亞技藝少而貿易寡所奉邪教

間亦尊天主教。

至于朝綱國設君位部落甚多各酋分據明時葡人至此今有地屬之。

通國分四大部曰羅昂額曰公額曰奔給拉曰昂疴拉內有城曰羅安多為葡萄牙創闢埔頭駐劄總督之所商船往來專以販鬻黑奴為業英人設船巡緝捕其掠賣之黨而釋黑奴土產象牙銅鍍甘蔗胡椒粉薯等野獸毒蟲鱷魚衆多。

亞德志

亞德在阿非利加之東海峽之濱廣狹未詳戶口無考其

地之勢高聳重叠河湖交貫間有平原坦廣隴畝肥饒穀宜黍稷氣候炎燥雨澤稀少。

民性蠢拙貿易蕭條技藝鮮少崇奉回教所奉不二大率皆誕妄之流耳。

至于朝綱各酋分轄不相統屬與阿比西尼時常爭鬥其地分為部落都城曰西拉又有索謀利白白拉黑拉牙蘭等部他國商客罕至故不知其細土產黍稷金沙乳香胡椒象牙。

亞然志

亞然在阿非利加東隅緯線自赤道北四度起至十二度

止經線起止不知其所東接印度洋南接桑給巴北連海濱長二千八百里戶口無稽其地山嶺若斷若續東境砂磧磽瘠

技藝平庸沿海亞刺伯人以貿易為業其色稍白西有土人牧獵為生黝黑殊甚奉回回教

至于朝綱分為數部各占一方不相統轄海濱皆為亞刺伯阿滿之王總屬城建海濱港澳便于停泊

土產乳香沒藥膠汁富庶

桑給巴國志

桑給巴在阿非利加之東緯線自赤道北四度起至南十

度止經線未詳沿海五千里南至莫三鼻北連亞然東接印度洋戶口無從攷核其地瀕海低下樹林叢雜野象成群怪禽異獸不一而足西境峯巒聳峭氣候酷熱瘴癘侵久厥壤肥瘠不均江河盤曲其中有曰如巴疴西邦牙尼魯非日

濱海居民皆亞刺伯族技藝鮮少貿易頗盛奉回回教西方土部未悉商客罕至與海濱人時相爭鬥性情粗戾風俗誕妄

至于朝綱國事前明葡萄牙據之海濱後為亞刺伯奪取道光年間英吉利時加庇護土人各占一方列君分

據不相統攝。

今數小邑其大者曰幾羅阿馬加多薩蒙巴薩美林德拉母巴大林德皆濱于海以爲埔頭其外本巴三西巴蒙非亞海島土產穀果金銀糖蠟棉花象牙鳥羽木料藥材等。

莫三鼻志

莫三鼻在阿非利加東緯線自赤道南十一度起至十七度止經線自中華北京偏西七十六度起至八十三度止東枕海岔西界盧巴達山南接加弗勒里北連桑給巴長一千四百里廣一千六百里其地勢峯巒聳翠斷續參差海口不一河之大者三比西支派注流西北大湖曰摩拉

維又名尼亞西樹林稠密象代牛馬金礦金沙取之不竭土壤肥沃穀菓豐碩氣候炎烈瘴癘侵人難以棲止。

技藝鮮少貿易頗盛亦奉回教天主教。

至于朝綱不立國君諸酋分攝或葡萄牙管轄兀雜零散不相統攝。

其部外有馬古內有蒙如加森比馬尼加波羅羅其通商之地莫三鼻建海嶋萄設總督駐此統轄諸處幾里馬內爲販鬻黑奴之所英以兵船巡行凡擄掠人口者必加嚴緝土產象牙金沙銅錢等。

索發拉志

索發拉昔名麼諾麼達巴在阿非利加東南緯線自赤道南十六度起至二十五度止經線自中華北京偏西七十九度起至八十六度止北至莫三鼻長廣均二千里總計之方五十万里戶口未詳其地之西峰峦環繞瀕海低淤江河滌洳其大者曰三比西河薩比亞河濱河之地膏腴穀菓豐茂樹林叢密禽獸充斥氣候炎烈難以棲止

人民黎黑諸國取以為奴技藝缺乏貿易蕭條

至于朝綱昔時黑番大部有王統攝歷代相傳迨遭賊寇猖獗列君分據各占一方不相統轄明時葡萄牙至海濱強服海口建埔其大者曰西那曰低低

通國分四部曰索發拉西那薩比亞音捍板英以兵船捕葡之鬻奴土產金沙象牙甘蔗樹膠蜜蠟

加弗勒里志

加弗勒里在阿非利加之南緯線自赤道南二十度起至三十二度止經線自中華北京偏西八十四度起至九十二度止東至印度洋西連合丁多南接岌朴長廣約一千二百里其地之西沙磧居多泉水罕有難以居處

民務稼穡不習技藝從事貿易者絕少

至于朝綱諸酋各據不相統屬

部分為四曰阿馬各沙阿馬丁巴阿馬奔荅蘇拉民多不

知理義裸体衣皮時相攻掠舊本散居四處近因荷蘭與英人侵占其境人遂遷徙漸居腹地土人時存報復之念常相攻戰產象牙樹膠皮

那達爾志

那達爾又名惟多里初為英商所闢市廛貿易於此今為英之藩屬總計之方六万里田土豐肥草木向榮穀菓歲必大稔英人多遷徙于此或種耕或貿易或游牧氣候和平產棉綿絲洋藍金石煤等

安朴哥羅尼志

安朴哥羅尼在阿非利加極南緯線自赤道南二十九度起至三十五度止經線自中華北京偏西八十八度起至九十九度止西接大西洋東南距印度大西二洋交匯北連合丁多長一千三百里廣一千八百里戶口無稽其地山嶺環繞廣谷橫列間有高原曠野雨時溪山蒼秀花果千態万狀牧場廣袤牲畜茁壯田土豐盛穀麥皆糶于列邦又種葡萄樹造旨酒旱時沙漠不毛

居民必散徙四方游牧為生北方沙磧風起陰雲圍合黑氣蔽空虎獅象兕馬鹿駝鳥濯濯自得濱海大浪險阻歐羅巴船舶往來印度中華必繞之而駛腹地沿溪傍河皆設鄉里而其居處散漫均不相聯沙野難渡贖

車行多渴死。氣候煖熱，溫和不一，尚可居棲。人多壽考。土番短身黑面，穴居獵獸而食，東方之類。四肢百骸，相稱。赴赴武夫，稱為勇敢。

至于朝綱，明時葡萄牙泛舟東來，始識其地。後荷蘭見其形勢合宜，營立埔頭，強民徙居，墾田務農。役土人為奴，是以歐羅巴諸國商舶東來，必寄泊于此。水米匱乏，則以火炙而食，流寓皆荷蘭人，半以牧畜為業。嘉慶間，英吉利以兵船奪取其地，在海濱別開埔頭，設立總督駐劄，境內外四方。耶穌教師建立會堂，佈揚正道，使人漸近禮義，從教化。

通國分為東西二省，十二府。西府曰岌朴，首郡岌朴，敦建于山麓，炮臺堅固，屋宇峻麗，貿易頗盛，商賈輻輳，為阿非利加繁富之區。外有好望海角，為州極南之大海口。西洋船往來，帆檣雲集，轉輸貨物，稱極盛焉。斯低林、窩塞德、哥蘭維音、瑞林丹、波縛惹、爾惹、東府曰亞巴尼、索美塞、哥拉非、烏丁、可利堡。其外東方又有廣大屬地，曰英之加弗勒里，以岌朴總督總轄。土產銅、鹽、穀果、酒、皮、象牙、棉、畜。其西北曰合丁多，那馬瓜、波日曼、達馬拉。數部牧獵劫掠。東北曰比朱亞，那近耶穌教師至此，民遂進理耕種衣衣。其城曰拉大古，古魯曼馬手。

至州內土人皆無知。今有教師數年居于南處。學民言語。欲通其地。後回可明之。

群島志

阿非利加群島。分在印度大西二洋。其印度洋者。曰馬達加斯加島。在阿非利加東南。緯線自赤道南十二度起。至二十六度止。經線自中華北京偏西六十六度起。至七十三度止。長三千里。廣一千里。總計方七十餘萬里。戶口四百万。其地山嶺峻險。綿亘如脊。千峯排列。飛泉如瀑布。山之東西。平原坦廣。江河交流。土壤肥沃。穀果豐碩。氣候炎熱。沿海濔澤。居半。瘴癘侵人。禽獸充斥。

民俗平庸。惰於操技。商賈衆多。宗釋教間。亦有回教耶穌教者。

至于朝綱。自古別為一國。王位歷代相傳。政由君出。明時佛朗西。欲謀其地。屢圖之。而未得。惟於海濱。建立數埠頭。來往貿易。後英人亦于海口立埠。並教民以西洋軍法。又有教師。設會堂。義塾。以耶穌教佈揚化導。

其島分為數部。都城曰達安阿里窩。海口曰達米打威。土產絲麻蠟膠銀銅錫寶石等。

不爾奔島。在馬達加斯加之東。人民十萬餘口。土壤肥沃。內有二山。其一時吐火。燄港。汶鮮少。商賈至此。常遭風暴。

傷損舟楫。佛蘭西兼攝首郡三德呢斯。總督駐劄。土產穀果。加非糖。棉煙香。林木等。其東北曰毛里西島。魯義為首郡。地氣酷熱。猶堪居處。民十六萬。屋宇峻麗。商賈輻輳。塞舌勒三十嶋。亞密蘭十一島。羅得給島。皆為英吉利兼攝。有總督駐劄。統轄土產糖。皂品。烏木。哥摩羅四島。屬回長州。隅之東。索哥德拉。屬亞喇伯。產沉。皂。血。竭。其大。西洋島。曰三厄里那。緯線自赤道南十六度。經線自中華西一百一十一度。周九十二里。戶口六千。山嶺參差。中央平原。地肥沃。氣和平。人安物阜。

佛朗西王拿破崙為英吉利所流于此。道光二年病死。

西北亞森森島。再東北非囊德島。皆為英吉利兼攝。駐以總督。桑多美島。北林西島。在公額。西北土壤肥沃。穀果豐稔。禽獸充斥。安威德。共十島。內有火山。其燄時吐。時息。鱗介蕃衍。禽獸充斥。氣候炎熱。尚可棲止。土產穀果。棉。椰。藥材等。其東北有馬德拉島。周三百五十里。戶口十二萬。峯峦峻峭。攀援維艱。氣候和平。人安物阜。以上四島。葡萄牙有總督兼攝。摩洛哥之西。有加那勒十三島。戶口二十萬。內有火山。商船駕艘。望為標準。時常吐燄。峯勢尖聳。高千餘丈。田土肥瘠不一。氣候溫熱。為西班牙所屬。設首管轄。產菓。穀。酒。

終

